



22 de xaneiro de 2013. Este día presentouse o proxecto "**Charcas con Vida**" no concello de Pontevedra. Custodia do territorio, educación ambiental e voluntariado ambiental únense neste proxecto para dar a coñecer os pequenos humidais de Galiza, contribuíndo á conservación do patrimonio e da natureza.

A iniciativa ten como obxectivo divulgar a importancia das charcas como espazos de alto valor patrimonial, tanto cultural como natural, e fomentar comportamentos e prácticas que axuden ao seu coñecemento e conservación.

O vindeiro 2 de febreiro (Día Mundial dos Humidais) ADEGA celebrará unhas xornadas no Pazo da Cultura de Pontevedra sobre a importancia da conservación das charcas.

Baixa o [PROGRAMA](#) (0,7 MB).

O pasado mes de decembro a Fundación Biodiversidade (Ministerio de Medio Ambiente e Medio Rural e Mariño) publicou a resolución final da convocatoria de axudas para a realización de actividades no ámbito da biodiversidade, o cambio climático e o desenvolvemento sostible. ADEGA foi unha das 4 entidades galegas (xunta co CEIDA, CEMMA e Lonxanet) seleccionadas, co seu proxecto **Charcas con Vida**.

Para o desenvolvemento do proxecto ADEGA asinará proximamente un convenio de colaboración co CIBIO (Centro de Investigación em Biodiversidade e Recursos Genéticos) entidade que desenvolve un programa semellante ([Charcos com vida](#)) en Portugal e coa cal se traballará en rede para conseguir obxectivos comúns e intercambio de contidos.

No encontro que se celebrará en Pontevedra participarán diferentes representantes de entidades relacionadas coa conservación e investigación destes espazos naturais procedentes de Menorca, Portugal e Galiza. Finalmente presentárase a iniciativa **Charcas con vida** . Será un

evento financiado polo concello de Pontevedra.

Máis info:

Lucía Parente
lucia@adega.gal
649 611 508

Ramsés Pérez
ramses@adega.gal
616 238 050